



UNIVERSITÄTS-
BIBLIOTHEK
PADERBORN

**R. P. Antonii De Escobar Et Mendoza, Vallisoletani,
Societatis Iesv Theologi, Vniversæ Theologiæ Moralis,
Receptiores Absqve Lite Sententiæ nec-non
Problematicæ Disquisitiones ... Volumen ...**

Triplex Statvs; Ecclesiasticvs, Religiosus, & Sæcularis

**Escobar y Mendoza, Antonio de
Lugduni, 1663**

Caput 6. De quarto Professorum voto circa specialem summo Pontifici
obedientiam.

[urn:nbn:de:hbz:466:1-80707](https://nbn-resolving.org/urn:nbn:de:hbz:466:1-80707)

CAPVT IV.

De obligatione ingrediendi
Societatem tribus sub-
stantialibus votis
annexa.

¹⁹ **V**otis simplicibus annexa ingrediendi Societatem promissio, quae fit diuina Maestati, vt constat ex formula, qua emittitur. Ita declarat Congreg. 5. Generalis decreto 3. & can. 2.

²⁰ **H**uius voti materia. Huius voti materia est, professionem, vel vota Coadiutorum formatorum emittit, prout placuerit Societati. Obligat ergo se hoc votum emittens, ad acceptandum gradum professorum, vel Coadiutorum formatorum, prout Praeposito Generali ad maius Dei obsequium fore videbitur. *Exam. cap. 7. §. 1. & 5. Congreg. gener. 5. decr. 3. can. 2.* Profecto materia haec digna est voto, quia gradus Professorum, & Coadiutorum formatorum perfectior est, quam gradus Scholaris, & Coadiutoris non formati.

²¹ **Q**uies superior designat Scholarium, aut Coadiutorem non formatum gradum absolute & efficaci voluntate, teneri eum ex vi signat absolute quartum illius voti acceptare, quia eo ipso impletur conditio sub qua votum fuit emissum ex vi voti. At si conditione tantum gradus offeratur, vt contingit, cum gradus offertur vt gratia, ac beneficium religionis, quod subditis praestatur, haud erit transgressor voti eum gradum non admittens, quia non ei absolute offertur, sed sub imbibita conditione, si gratus ei fuerit. Palao tomo 3. q. quint. de statu Relig. punct. 1. num. 4.

CAPVT V.

De obligatione specialis cura
in puerorum eruditione
Professibus, ac Coadiuto-
ribus formatis
annexa.

²² **M**ateria huius obligationis. **P**ROFESSI, ac Coadiutores spirituales formati, cum sua vota emittunt, expriment se vovere obedientiam specialiter circa puerorum eruditionem, ma-

teria huius obligationis est puerorum (sub quibus rudes homines comprehenduntur) eruditio tum in iis, quae ad fidem pertinent, eos in doctrina Christiana, & mysticis diuinis instruendo; tum in iis, quae ad mores continent incitando ad praecceptorum obedientiam, & ad pietatis, Religionisque officia. Hanc itaque curam voverunt Professi, & Coadiutores spirituales formati si a Superioribus per virtutem obedientiae illis mandata sit. Sic in formula *Ei secundum eam* (scilicet obedientiam) peculiarem curam circa puerorum eruditionem. Vnde seculo obedientiae praeccepto, nulla est illis huiusmodi eruditionis obligatio.

In huius autem ministerij promotionem, & obseruationem cauetur, vt quilibet professor quadraginta diebus huius eruditioni in-
²³ combat. *Cong. gener. 2. decr. 48. ibi: Quibus ta diebus professus quatuor, vel trium votorum, quibus huius eruditionem coadiutor spiritualis formati post editionem, tam professionem, vel vota simplicia intra annum per quadraginta dies continuis, vel interpolatos doctrinam Christianam pueris, atque rudes personas docere teneantur.* Teneantur quidem sub voto, si eis sub obedientiae virtute praecceptum specialius solum ex regula, & instituto ad peccatum non obligent.

Praeterea Rectoribus cum primum officium suscipiant iniungit D. Ignatius p. quatuor. *Idem Re-
²⁴ Const. cap. 10. §. 10. vt per quadraginta dies doctrinam Christianam legant, aut doceant: cum officium legant, inquam, & doceant per se. Si tamen suscipiunt, continere non videbitur ad adificationem, imperant, vel ob aliam causam sufficientem, vt Rector ipse legat, cum Provinciali communicata, si eundem ille sententiae fuerit per alium illud munus obire poterit.*

CAPVT VI.

De quarto Professorum voto
circa specialem summo
Pontifici obedientiam.

PROFESSI Societatis Iesu, qui quatuor votorum vocantur, vltra De Professibus tria vota solemniter paupertatis, castitatis, & obedientiae emittunt aliud quartum etiam solemniter obediendi summo Pontifici in missionibus peragendis ad animarum salutem. *Const. p. 5. cap. 3. §. 3.* Hac vero forma emittitur: *Insuper promitto specialem obedientiam summo Pontifici circa missiones, prout in litteris Apostolicis, & constitutionibus continetur.* Ex vi huius voti tenentur Professi exequi quidquid circa hoc Pontifex Romanus imperauerit, sine ulla tergiversatione, ad quascunque provincias eos immiserit, suas mittat ad Turcas, ad Indos, ad aliae Infidelium regiones. Lege Bullam Iulij III. nostrum institutum confirmantem: & Bullam Gregorij

Sect. II. de Societ. Iesu Recept. Sent. 215

gorij XIII. incipientem, *Quanto fructu-*

26 *Huius quartii voti materia.* Materia itaque huius voti est summo Præfali obedire in missionibus peragendis, v.g. orbis plagas iusserit, ibique commorari, & ministeria spiritualia iuxta Societatis morem in animarum salutem exercere Pontificis arbitrio, quia hæc omnia sub *Missione* continentur. Quæ debent præstari nulla *terguer- satione*, & *excusatione* apposita, id est, quæ frivola sit, & inanis; sed de excusatione iusta, & legitima, hanc enim Superiori proponere & menti Pontificis, & Societatis constitutionibus est conforme. Suar. *tomo 4. de Relig. tract. 10. l. 6. cap. 4. num. 11.* Sanchez *l. 6. Decal. cap. 18. num. 6.* Præterea hæc præstare debent nullo viatico petito, subsidiove expectato, tum pro itinere peragendo, tum pro ibi commorando. Solum enim permittitur Pontifici repræsentare, quæ sitipius mens de modo itineris gerendi, & ibidem quò mittitur manendi: num ex Eleemolynis propter Christi amorem emendicatis, an alio modo vivendo. Porro ad hæc præstanda ex obligatione hoc votum necessarium fuit, quia reliqui Christi fideles, & Religiosi aliorum Ordinum, & Societatis non professi, obligari nequeunt à Pontifice, vt in remotissimas mundi partes proficiantur, ibique commorentur, nisi communi Ecclesiæ bono maximè expediret: neque tunc obligantur ex voto, sed ex subiectione, quam debent Pontifici tanquam vniuersalis Ecclesiæ capiti, ac Christi domini Vicario. Palao *1. 3. d. 5. pun. 4. numer. 30.*

27 *Votum hoc quartum solemne est.* Votum autem hoc solemne esse, haud potest in dubium adduci, cum expresse definitum sit à Gregor. XIII. in *Bulla*, quæ incipit, *Ascendente*, ibi: Tribus illis substantialibus votis solemnibus quartum similiter solemne addunt speciale in nomen pontificis obedientie circa missiones præstari. Verum solemnitatis huius voti in eo consistit, quod medio illo se Religiosis tradit in dominium, & potestatem Pontificis in ordine ad missiones peragendas; ita vt in ordine ad hunc finem iam non sit sui iuris, sed Religiosis, & Pontificis. Quod adeo est verum, vt si Religiosus, emissio hoc voto, vellet de se aliter disponere, infirma esset dispositio, ac peccaret non solum contra Religionem, sed & contra iustitiam ob ius à summo Præfale acquisitum. Quæ in voto simplici obedientia non procedunt. Suar. *tomo 4. de Relig. tract. 10. l. 6. capit. quart. num. 18. & 39.*

28 *Quando sub gravi culpa teneatur Professus quatuor votorum obedire circa missiones.* Demum vt innoteat quando Professus noster sub gravi culpa teneatur obedire Pontifici, vel Præposito Generali nomine ipsius iniungenti missiones, affirmo, quoties in nomine Iesu Christi, seu virtute obedientie præceperit. Quoniam enim suam voluntatem his verbis, vel æquivalentibus explicet, non censetur velle præceptum imponere, & gravem obligationem inducere, quia censendus est præceptum imponere modo Societati accommodato. At in Societate *p. 6. Const. cal. vit.* cautum est, non esse censendam præceptum, nisi præfatis verbis impositio fiat. Eigo quovisq. Pontifex suam declarat volun-

tatem, obligationem gravem non inducit. Suar. *tomo 4. de Relig. tract. 10. l. 6. c. 4. n. 36.*



CAPVT VII.

De obligatione Professus quatuor aut trium votorum circa paupertatem non relaxandam.

29 *Votum hoc explicatur.* R IVM & quatuor votorum solem-nium Professus Societatis statim post emissam Professionem in Ecclesia coram domesticis, ac externis ad Sacristiam accedunt, ibique quinque vota simplicia emittunt, quorum meminit Gregor. XIII. in *Bulla Ascendente Domino*. Votum primum est de non relaxanda Societatis paupertate. Finis quidem, qui D. Ignatium movit ad huiusmodi votum præscribendum, fuit, vt Societas in suo primario sermone conseruaretur, asseruit namque *p. 10. Const. 5. 5.* paupertatem murum esse, ac propugnaculum aduersus demonis insidias.

30 *Huius voti materia.* Materia autem voti distincta est à materia voti solemnis paupertatis, quia alias non essent vota distincta. Nam materia voti paupertatis prohibita est vsus cuiusvis rei temporalis tanquam propriae stante lege, ac consuetudine prohibente sub voto prædictum vsu. At materia voti non relaxandi paupertatem est non alterandi, nec immutandi prædictam legem. Hoc votum est negatiuum; negat enim omnem actionem, & consensum pro paupertate in constitutionibus ordinata immutanda. Proinde facies illi satis nihil agendo. Prohibet equidem in primis assensum siue consensum, siue decisionem de immutanda paupertate præstare in conuento totius Societatis congregatæ. Deinde prohibet quamlibet procuracionem, diligentiam, ac positium fauorem ad dictam immutationem obtinendam. Ex Suario ac Thoma Sanchez.

31 *Transgressio huius voti gravis est.* Cæterum de qualitate obligationis voti huiusce certum mihi votum hoc gravem inducere obligationem, quia materia grauissima est, vt pote Religionis conseruationi maximè necessaria. Vnde cum Palao *tomo 3. d. quint. punct. 4. num. 7.* existimo, non solum suffragium decisionum in Congregatione pro relaxanda paupertate, sed quamcumque illius procuracionem lethale peccatum aduersus hoc votum simplex existere.

CAPVT